

زجالي الإسكندرية

[أنشأه معهد الزقازيق ٢٥ مارس - آذار - ١٩٥٠]

فكري:

منفوخ على إيه وعاملي أديب وبتفهم في التأليف
عمرك ما نظمت زجل بالذمة في يوم ما كنتش سخيف
وواخدها بفتحة صدرك لكن فنك لسه ضعيف
تستاهل شارة كبيرة تعرف إيه «دبلوم تخريف»
عقل:

من قلة عقلك دائماً بادعي وأقول ألطف يا لطيف
فتحت يا واد من أمّتي ومدة عمرك وأنت كفيف
راح أدلك ع اللي يناسب قدر جنابك شوف يا خفيف
من بكره قوام في الحاره لف وقول «يخلق برغيف»
كمشوش:

يا كمشمش اختم واشهد أنك صاحب فن نظيف
وتلمي كلامك غالي لأنك غالي وذوق وظريف
دا جواب القلب إليك يا أمير أزجالنا بدون تحريف
أما الباقيين ينقصهم فكر وعقل غير التعريف

* . * . *